

Акафист
святому праведному
Ионе,
Одесскому чудотворцу



Акафист

святому праведному

Ионе,

Одесскому чудотворцу

Кондак 1

Избранный во Отцех святых земли нашея, / скорый
Помощниче ты призываем, / молящимся внемлю-
щий и просимое исполняющий, / приими акафистное
сие пение тебе глашающих: /

Радуйся, Одесская похвало и славо, целебниче и
чудотворче, // пресвитере праведный Ионо.

Икос 1

Ангелом по Господню велению яве храним от ку-
пели крещения, по милости Божией сподобился еси
почившия уже матери явления, да избегнеши смерти
в кораблекрушении:

Радуйся, в Пальмире Южной¹ родившийся; радуйся, Слободки ея Романовки исконный жителю. Радуйся, четвертый из пяти чад диакона Моисея; радуйся, любимиче сладчайший соименная сладости² матери. Радуйся, во храме Слободском Рождества Богородицы крещен в Православии; радуйся, измлада zde со отцем молившийся. Радуйся, малолетним осиротев, отца небеснаго в дотоле земном обретший; радуйся, и мать твою ко Господу за сим в церкви сей в Рай проводивший. Радуйся, испытанный и закаленный в сиротстве гладом, хладом и безотцовством; радуйся, молившийся о родивших тя на их могилах. Радуйся, пред кончиною ея матушкою Гликериею пастырем добрым стати благословенный; радуйся, молитвами родительскими от смерти сохраненный и ко благу устроенный по времени.

Радуйся, Одесская похвало и славо, целебниче и чудотворче, пресвитере праведный Ионо.

¹ Так, в отличие от Северной Пальмиры – Санкт-Петербурга, еще называли Одессу.

² Имя Гликерия переводится с греческого как Сладкая.

Кондак 2

Видяще злострадания твоя яко Иова Многострада-
дальнаго, удивляемся суть и тому, яко главу не имея
тамо приклонити, с погоста и колокольни прогоняе-
мый взывал еси неизменно и искренне:

Аллилуиа.

Икос 2

Разумом и сердечно чист в вере во Христа и на Ма-
терь Божию уповании возрастал еси, и Ими храним
управлен был еси попечением церковнаго детоводи-
теля к духовному научению:

Радуйся, младенцем Богом усыновленный; ра-
дуйся, и сам яко Отца Его имеющий. Радуйся, Бого-
родицу сыновне возлюбивший издетска; радуйся, Ею
чудесно покровительствуемый. Радуйся, промысли-
тельно испытываемый лишениями; радуйся, сими вос-
питанный и в вере упроченный. Радуйся, невольню
постившийся хлеба насущнаго досыта не имея; ра-

дуйся, Христом заповеданному постничеству сродный. Радуйся, яко Андрей Блаженный Цареградский презираемый жестоковыми; радуйся, подобно ему милостивыми призираемый. Радуйся, суровую школу жизни рано прошедший; радуйся, всю жизнь иным помогавший и нам помогающий.

Радуйся, Одесская похвало и славо, целебниче и чудотворче, пресвитере праведный Ионо.

Кондак 3

Силою прилежания твоего и Духа Святаго благодатию не ослабевал еси в благом утверждении, и продолжил еси его в духовном училище постигая знание священное и в хоре церковнем пение:

Аллилуиа.

Икос 3

Имеяй присное молитвенное рачение и днем, и в нощи молитвословия совершал еси многия, и, во изнеможении единожды уснув, до ран опалился еси одеждою, от свечи тлеющею:

Радуйся, в училище четырехлетнем у Единого Учителя Подлинного учившийся; радуйся, истины Евангельския усвоивший. Радуйся, о сотворении Им невидимаго и видимаго всего узнавший; радуйся, о Рае и Едеме в нем слышавший и читавший. Радуйся, о в искушении их Евы и Адама падении сокрушавшийся; радуйся, изгнание их из Сада богодарованнаго с Адамом оплакавший. Радуйся, волчцы и терния земныя проклятия прародителей и сам лицезревший; радуйся, нужды и болезней опыт имевший горький по родителей смерти. Радуйся, утешаемый победою, свершившеюся над искушителем древним Жены Приснодевы семенем Божественным; радуйся, в Сына Божия, воплотившагося Ею, искренне уверовавший. Радуйся, служити восхотевший Троице Святей, вся сотворшей; радуйся, священносодействовати спасению уверовавших в Нея такожде приуготовившийся тщательно.

Радуйся, Одесская похвало и славо, целебниче и

чудотворче, пресвитере праведный Ионо.

Кондак 4

Бурям разжжения сквернаго чужд Таинством брака сочатовался еси с Анастасиею девою по завершении пастырству обучения для новою церковию домашнею Господа хваления:

Аллилуиа.

Икос 4

Слышавшия архиепископа Никанора, рукоположившаго тя, свидетельство яко о добром пастыре, священным пламенем душею горящем, советом его благословлялися суть у тебя с радостию:

Радуйся, благословение Божие Прародителем плотию единою быти исполнивший; радуйся, Таинством брака с готовностию соединившийся с Воскресению тезоименитою. Радуйся, обручившийся с нею положенными для сего вечность союза брачнаго предображающими кольцами; радуйся, кольцо твое сло-

живший на Престол алтаря церковнаго при совершении над тобою Таинства Священства. Радуйся, слышавший при сем паки пение, Исаию к ликованию призывающее; радуйся, союзом другим — священническим с паствою своею таинственно связавшийся. Радуйся, по Апостолу пёрвее церковь домашнюю добре обустроивший; радуйся, и церкви Христовы частию по сем правивший. Радуйся, руками святительскими и молитвами подобающими освященный; радуйся, рукополагавшему ты архипастырю схождением на тебя Духа Свята яве запечатленный. Радуйся, возрадовавший его твоею благодатностию; радуйся, советом Павла Первоверховнаго возгревавший и умножавший дарования твоя пастырския.

Радуйся, Одесская похвало и славо, целебниче и чудотворче, пресвитере праведный Ионо.

Кондак 5

Боготечному к Православию обращению Библии

неверных двухсот толкователей осьмилетним священствованием в Кардашовке их послужил еси, в церкви с тобою разумно о сем поющих:

Аллилуиа.

Икос 5

Видящая служение твое в Успению Богородицы посвященной церкви градской и слышащая Богу усты твоими молитвенными славлениями и прошениями доброго гласными радовахуся, поюще:

Радуйся, святоотечески прилагавший Священное к Писанию Предание; радуйся, сектанты не тако деющая богомудро вразумлявший. Радуйся, богоугодно живший; радуйся, к богоугождению приводивший. Радуйся, делами веры веру утверждавший; радуйся, вопрошавшим о вере богодухновенно отвечающий. Радуйся, и на селе пастырски потрудившийся добро-полезно; радуйся, и в граде твоём бывший утешителем верных. Радуйся, лицом пресветлым показывавший души чистоту и святость; радуйся, свидетелю

громогласный истинности Православия. Радуйся, светильнику подобный евангельскому, всем светящему; радуйся, увиденный многими яко град, верху горы стоящий.

Радуйся, Одесская похвало и славо, целебниче и чудотворче, пресвитере праведный Ионо.

Кондак 6

Провозгласителем священным пением стал еси службы бденная Матери Божией от земли на Небо преселения, на мелодии свои духовная молитвословия праздника переложив, и песнопение:

Аллилуиа.

Икос 6

Просиял еси талантами богоданными, настоятельствуя в храме при море Гостеприимном³ святителя Николая, Чудотворца Мирликийскаго, служением и проповедию всех вдохновляя и радуя:

Радуйся, и в семействе кровнем целомудренный и

³ Так раньше именовали греки Черное море: Πόντος Εὐξενος – Понт Эвксинский – значило «Гостеприимное море».

кроткий; радуйся, и церковней твоей общине яко семейству духовному отче заботливый. Радуйся, Богородицу и Матерь Света в песнях величающий; радуйся, Успение Ея Всечестное особливymi гласами песнопений прославляющий. Радуйся, Богу угодивший святостию жизни; радуйся, Пречистую Приснодеву Марию достойно воспевший и благоискусно. Радуйся, Христу со крестом на раменах последовавший; радуйся, сам крестившийся, каявшийся, причащавшийся и иных сего же священствуя сподоблявший. Радуйся, лоза отребленная Господом Богом; радуйся, вселения Троицы Святыя по обетованию Спасителю удостоен. Радуйся, сосуде телесный одушевленный, носивший и носящий Святаго Утешителя Духа; радуйся, наития Его испрашивавший себе и чадам твоим духовным, внукам и правнукам.

Радуйся, Одесская похвало и славо, целебниче и чудотворче, пресвитере праведный Ионо.

Кондак 7

Хотя быти истинным пастырем, овцы своя знающим и окормляющим, коегождаго из прихожан твоих вымаливал еси пред Господом, да поют прощенные и спасенныя Всемилоствому Богу:

Аллилуиа.

Икос 7

Новаго прозорливца, врача и чудотворца проповедывал есть жителям града нашего святыи праведный протоиерей Иоанн Кронштадский, да не к нему едут и приплывают, а к тебе прибегают:

Радуйся, истинный во Христе пастырю овец словесных Его стада; радуйся, дверми к ним входивший, а не инуде прелазящий церковную ограду. Радуйся, знаемый прихожанами и всеми христианами горожанами; радуйся, и сам их ведавший из общения с ними и пророческим своим даром. Радуйся, молитвенниче, охотно и скоро слышимый Богом; радуйся, чудеснаго

вспоможения источниче живоносный. Радуйся, подражавший и подражающий кротости, скромности и отзывчивости Богородицы; радуйся, скорбящих и беспомощных молитвами к Ней своими покрывающий рукама Ея держимым Сына Ея, Архиерея во век по чину Мелхисидекову, омофором. Радуйся, сродный по духу, служению и подвигам тезоименному Благодати Божией северо-русскому святому; радуйся, им одаренный и по себе нам оставивший в благословение Потир великий многоценный и пастырский посох. Радуйся, одеянный имже в богослужебныя священническая светлыя ризы, искусно разшитыя цветами; радуйся, на шестнадцать лет его на земле переживший.

Радуйся, Одесская похвало и славо, целебниче и чудотворче, пресвитере праведный Ионо.

Кондак 8

Странная градоправителем и в скупости богатыя-

щимся благотворения совершал еси ради Христа, нищих и бедных питая, труждатися устраивая, от греха отводя и Бога уча благодарити:

Аллилуиа.

Икос 8

Весь и всегда преисполненный Христовою богочеловеческою благодатною силою, дела спасительные совершал еси, о жизни и помыслах человеков известуемый свыше дивно:

Радуйся, яко Иона Пророк святой твой ревнителю Всевышняго Славы; радуйся, такожде прозорливый по Господа дару. Радуйся, сокровенным потщавшийся в сем быти; радуйся, точию к пользе ближних его являвший. Радуйся, овец Христовых избавлявший от страстей и бесов яко волков мысленных; радуйся, тобою пасомыя расхищати возбранявший временным и вечным губителям. Радуйся, и сам зревший ясно происходящая; радуйся, и иным правоту обнажавший

и доныне ю являющий. Радуйся, николиже лукавновавший; радуйся, лукавнующих посрамляющий. Радуйся, монахиню, нечаянно отравленную сестрою лекарем, от смерти воскресивший; радуйся, к жизни и здравью воротивший обители женския Михайловския священника Никанора, уже умирающаго.

Радуйся, Одесская похвало и славо, целебниче и чудотворче, пресвитере праведный Ионо.

Кондак 9

Всем благое испрашивая у Господа Иисуса Христа, прозрения чудо явил еси слепорожденнаго отрока, егоже приведе скорбящая мать, тобою обрадованная и Спасителю воспевшая:

Аллилуиа.

Икос 9

Ветию знатным очес врачом Владимиром Петровым Филатовым в суде упрекавших тя в притворной отрока слепоте был еси оправдан, слепорожденным воистину сего признавшим:

Радуйся, телесныя слепоты избавителю; радуйся, безбожием ослепленных обличителю. Радуйся, светом боговедения озаренный; радуйся, во тьме неведения пребывавших верою озарявший. Радуйся, при свете Христовом непреткновенно ходивший; радуйся, света сего отражение яко луна солнечнаго. Радуйся, в нощи богоборчества на земле нашей ко спасению звездо путеводная; радуйся, и малым светом сим гонителей лютых ослеплявший. Радуйся, преследуемый ими иных от гонения покрывавший; радуйся, неверных к вере располагавший. Радуйся, пламенеющий сердечною любовью к Богу; радуйся, к немощным исполненный любовью Христовою.

Радуйся, Одесская похвало и славо, целебниче и чудотворче, пресвитере праведный Ионо.

Кондак 10

Спасти хотя одержимыя от работы вражия, духи нечистыя прогонял еси водою святою, с Распятия с

частью Древа Животворящаго поливаемою на страждущих, о избавлении своем Бога благодарящих:

Аллилуиа.

Икос 10

Стеною разделения от кривоверия дар сей твой бысть, егда латиняне любопытствующие руганием демонским и биением бесным посрамишася в святом твоём православном храме:

Радуйся, и духам лукавым, именем Иисусовым тобою изгоняемым, яко апостол Павел некогда свемый; радуйся, яко история сыновей Скевы Иудеанина в Апостолов книге деяний и с тобою повторися. Радуйся, яко заклинателем именовавшия тя над имущими духи лукавыя ксендзы одесския место сих восприяша; радуйся, яко и на них в немже бе дух лукавый человек скакаше. Радуйся, яко, одолев им, на них укрепися; радуйся, якоже и сим избежати довелосья суть такожде нагим и ураненным. Радуйся, яко и на латинствующе еретичествующих страх нападе, якоже

древле тогда бывший на иудей и еллины; радуйся, яко сего ради крепко слово Господне верное растяше и крепляшеся. Радуйся, яко и с тобою тогда Бог гордым воспротивися; радуйся, се бо смирению твоему Апостолов благодать даровася. Радуйся, силою ея выручавший, свободявший и пособлявший много; радуйся, не надмевавшийся сею, а распоряжавшийся благоразумно.

Радуйся, Одесская похвало и славо, целебниче и чудотворче, пресвитере праведный Ионо.

Кондак 11

Пением, возглашениями и проповеданием царевых и Господа прогневляя врагов, разбойником корабельщиком едва не удушен, гласом вторимый прислужника твоего теперь возносил еси Богу:

Аллилуиа.

Икос 11

Светом во тьме безбожия, нашедшаго на христиан

лютаго гонения и истребления, равнаго по летам Вавилонскому народа Богоизбраннаго пленению, осиявал еси знаемыя верныя:

Радуйся, светоносче; радуйся, светодавче. Радуйся, просвещенный; радуйся, просвещавший. Радуйся, священнодействовавший православно; радуйся, освящающий благодатно. Радуйся, Христа Иисуса яко Бога Света от Света чтущий; радуйся, Невтарным Светом являвшагося прославлявший. Радуйся, свободителю от безпросветных напастей; радуйся, помраченныя умом и сердцем врачующий. Радуйся, пшеницу веры правыя растящий; радуйся, безверия плевелы вражия изторгающий.

Радуйся, Одесская похвало и славо, целебниче и чудотворче, пресвитере праведный Ионо.

Кондак 12

Благодать утешения Серафимом Саровским призывал еси пред большою его келейною твоею иконою,

телом изнемогая смертно, якоже некогда он, но бодрствуя духом с ним и поюще:

Аллилуиа.

Икос 12

Поюще в мученических страданиях безропотных к Подвигоположнику Христу твое преставление с души от тела разлучением, радуемся мощей твоих цельбоносных нетлению:

Радуйся, испытанный пред кончиною жизни земная в твердости веры; радуйся, к скорби гонений на Церковь и верных болезнь предсмертную претерпевший. Радуйся, мужеством сугубо запечатленный; радуйся, духом сильный и необоримый. Радуйся, непревзойденный ратниче освященный; радуйся, верными по преставлении к Богу без страха пред гонителями со славою погребенный. Радуйся, любимый православными при жизни и за гробом; радуйся, чудеса являвший при жизни и при могиле. Радуйся, раскопанный злочестивым неистление предивное тела твоего

и кровь, истекшую от него, показавший; радуйся, паки закопанный богоборцами властными, но благодать источавший. Радуйся, к лику Одесских святых причтенный Церковию прославленный; радуйся, мощами твоими ныне в Соборе Успения Богородицы близ честная иконы Ея Касперовския чудотворящий.

Радуйся, Одесская похвало и славо, целебниче и чудотворче, пресвитере праведный Ионо.

Кондак 13

О, святой и праведный Одессы и Неба жителю, к священству предизбран, предуготован и преобучен, пастырем добрым и чудотворцем великим, целителем стал zde еси, о немже поем Богу:

Аллилуиа.

Этот кондак читается трижды, и повторно затем:

Икос 1

Ангелом по Господню велению яве храним от купели крещения, по милости Божией сподобился еси почившия уже матери явления, да избегнеши смерти

в кораблекрушении:

Радуйся, в Пальмире Южной родившийся; радуйся, Слободки ея Романовки исконный жителю. Радуйся, четвертый из пяти чад диакона Моисея; радуйся, любимиче сладчайший соименная сладости матери. Радуйся, во храме Слободском Рождества Богородицы крещен в Православии; радуйся, измлада zde со отцем молившийся. Радуйся, малолетним сиротев, отца небеснаго в дотолe земном обретший; радуйся, и мать твою ко Господу за сим в церкви сей в Рай проводивший. Радуйся, испытанный и закаленный в сиротстве гладом, хладом и безотцовством; радуйся, молившийся о родивших тя на их могилах. Радуйся, пред кончиною ея матушкою Гликериею пастырем добрым стати благословенный; радуйся, молитвами родительскими от смерти сохраненный и ко благу устроенный по времени.

Радуйся, Одесская похвало и славо, целебниче и чудотворче, пресвитере праведный Ионо.

Избранный во Отцех святых земли нашея,/ скорый
Помощниче тя призывающим,/ молящимся внемлю-
щий и просимое исполняющий,/ приими акафистное
сие пение тебе глашающих:!

Радуйся, Одесская похвало и славо, целебниче и
чудотворче, // пресвитере праведный Ионо.

Молитва

святому праведному Ионе,

Одесскому чудотворцу

О, чудотворнейший из святых отец Одесских, пра-
ведный священниче Христов Ионо! Дивно быть вос-
хождение твое к святости во Христе совершенства
страданиями и потерями многими сызмальства. Иже
не озлобили суть тя, а к подвижничеству располо-
жили. Понеже пощение, молитвы искренния, воздер-
жанность строгую во всем, неутомимое трудолюбие,
сочувствие к нуждающимся и болящим, любовь ко
Господу и ближними почитаемым людям всем тя суть

преисполняли. Яко диакона сирота-сын, с благословением быти пастырем добрым матушки его, матери твоея вступил еси на стезю будущего твоего пастырства. Духовному научен, в брак честный и многочадный вступил, и стал еси диаконом и священником. Безупречно Богу на селе осмь лет, и в Одессе в Успения Божия Матери храме четыре лета, а посем до кончины твоея всю жизнь в порту при самом море Черном Богу служил еси, от силы в силу духовно восходя Духа Святаго благодатию с дарами прозорливости, цельбы, чудотворения и плодоносящих спасение верным Таинств церковных в силе апостольской, святительской, праведных и преподобных совершения. И самим Иоанном, Кронштадтским Чудотворцем свидетельствуем был еси яко ближний ему и равный. Многия претерпел еси брани с невидимыми врагами христиан, и после царства Русскаго разорения антихристов во властех утверждения, и от сих види-

мых врагов Православия многия козни и мести, с мучениями душевными и телесными испытал и препо-
бедил еси своими долготерпением, в Вере твердостью
адамантовою, духа священным горением, жертвенно-
стью и безстрашием. Бесы прогоняя из бесных, зре-
ние даруя слепым, якоже Сам Христос слепорожден-
ному, врачуя неисцельно недужных, воскрешая
безвременно умирающих, питая голодом мучимых,
одежду нагим подавая. Ещеже и пьянства, воровства
и развращения обузданию падших мудро содейство-
вал еси Богу. Град твой от стрельяния по нему из ору-
дий «Потемкин» корабля на нем возставшими огра-
дил еси ходатайством твоим об отпевании тобою и
погребении вне кладбища освященного вождя их Гри-
гория убиенного. А сам от подобных сим после по-
беды их едва не удушен, утратил еси глас твой прежде
прекрасен. Внегда же сам душею к Богу отшел еси,
мучительно поболев елико⁴, противлению безбожных

⁴ Елико на церковнославянском языке значит недолго.

«чермных» уже, а не «белых» вождей града вопреки⁵ сонмом православных людей из храма твоего на погост к родителем и жене двадесяти тысяч крестным ходом пренесен был еси и в земли упокоен. Через дванадесять же лет душею болен и одержим некий московит, могилу твою раскопав и гроб прорубив, нетленна ты обретше, на тело твое ступив и ребра проломив, главу лопатою отделив, кровь твою пролил есть из нетленныя твоя выи⁶, на хребте твоём запечену чермну́ и на фелони облачения священнаго твоего от лопаты той прорехи бурую цветом при обрётении мощей твоих чрез шестьдесят за сим лет, к прославлению в лике святых твоему священниками зримую. Многая чудеса над местом упокоения твоего совершались и пред ракою мощей твоих совершаются суть преизобильно ныне в храме. Сего ради молим тя, отче Святы́й, не остави град твой и людие его и про-

⁵ Церковнославянское вопреки переводится как вопреки.

⁶ Выя на церковнославянском языке – это шея.

чия грады и веси людей православных без твоего заступления. Недужныя врачуй, нуждающиеся снабдевай всем в жизни благопотребным. Демоны прогоняй видимыя во плоти и безплотныя невидимыя. Козни врагов спасения обличай и ограждай от сих верныя Богу люди. Храм твоя покаящий храни неврежден и от нас неотчуждаем на нас враждующими. И всю Церковь нашу оболганную и оклеветаемую спасай и сохраняй в Вере и Правде, неодолимою вратами ада. Да право правится в ней слово Истины, с Таинствами не ложными, а благодатными. Да спасаемся в Церкви воинствующей земной для вхождения в Церковь вечно торжествующую Горнюю, славящую Святую Троицу Отца, и Сына, и Святаго Духа Господа вместе с Богородицею, Небесным воинством, Собором всех Святых и тобою с ними, и всеми в обители Райския вселенными. **А**минь.

